

5 января, предпразд. Рождества Христова, Мучеников, иже в Крите

5 января, предпразд. Рождества Христова.

Мучеников, иже в Крите

Утренняя

«Бог Господь»

Тропарь предпразднства Рождества Христова, глас 4

Готовися, Вифлеэме,/ отверзися всем, Едеме,/ красуйся,
Евфрафо,/ яко древо живота в вертепе процвете от Девы:/
рай бо Она чрево явися мысленный,/ в немже Божествен-
ный сад,/ от негоже ядше, живи будем,/ не, якоже Адам,
умрем.// Христос раждается прежде падший возставити
образ. **(Дважды)**

Слава Отцу, и Сыну, и Святому Духу,

Тропарь мучеников, иже в Крите, глас 4

Мученицы Твои, Господи,/ во страданиях своих венцы
прияша нетленные от Тебе, Бога нашего,/ имуще бо
крепость Твою, мучителей низложиша,/ сокрушиша и
демонов немощныя дерзости./ Тех молитвами// спаси души
наша.

И ныне, и присно, и во веки веков. Аминь.

Тропарь предпразднства Рождества Христова, глас 4

Готовися, Вифлеэме,/ отверзися всем, Едеме,/ красуйся, Ев-
фрафо,/ яко древо живота в вертепе процвете от Девы:/ рай
бо Она чрево явися мысленный,/ в немже Божественный
сад,/ от негоже ядше, живи будем,/ не, якоже Адам, умрем.//
Христос раждается прежде падший возставити образ.

Канон

Песнь 1

Канон предпразднства Рождества Христова. Глас 6. На 4.

Ирмос, глас 6: Волною морскою/ Скрывшаго древле гонителя, мучителя,/ в яслех Сокрываемаго убити ищет Ирод;/ но мы с волхвыи пойм:/ Господеви воспойм, // славно бо прославися.

Песнь 3

Канон предпразднства Рождества Христова. Глас 6. На 4.

Ирмос, глас 6: Тебе, на водах/ повесившаго всю землю неодолимо,/ тварь, видевши в вертепе раждающаяся,/ ужасно содрогашеся:/ несть свят, паче Тебе, // Господи, зовущи.

Катавасия

Ирмос, глас 2: Утверди нас в Тебе, Господи,/ Древом умерщвлей грех,/ и страх Твой всади // в сердца нас, поющих Тя.

Песнь 4

Канон предпразднства Рождества Христова. Глас 6. На 4.

Ирмос, глас 6: От Девы пришествие Твое провидя, Аввакум,/ ужасся, вопияше:/ Ты от юга, воплощаяся, пришел еси, Избавителю, // Адама отриновеннаго воззвати.

Песнь 5

Канон предпразднства Рождества Христова. Глас 6. На 4.

Ирмос, глас 6: К Тебе утреннюю,/ благоутробия ради Себе истощившему непреложно/ и зрак раба от Девы носивше-

5 января, предпразд. Рождества Христова, Мучеников, иже в Крите

му,/ Сло́ве Бо́жий./ Ми́р пода́ждь ми, па́дшему,// Человеко-
лю́бче.

Песнь 6

Канон предпразднства Рождества Христова. Глас 6. На 4.

Ирмос, глас 6: Бе́дна послéдняя грехо́в обы́де мя/ и, вол-
не́ния не ктому́ терпя́,/ я́ко Ио́на Влады́це вопи́ю Ти:// от тли
мя возведи́.

Катавасия

Ирмос, глас 2: В бе́дне грехо́вней валя́йся,/ неизсле́дную
милосе́рдия Твоего́ призыва́ю бе́дну:// от тли, Бо́же, мя
возведи́.

Песнь 7

Канон предпразднства Рождества Христова. Глас 6. На 4.

Ирмос, глас 6: О́троцы в Вавило́не/ пе́щнаго пла́мене не
убо́яшася,/ но, посреде́ пла́мене вве́ржени, ороша́еми, по́я-
ху:/ благословéн еси́, Го́споди, Бо́же о́тец на́ших.

Песнь 8

Канон предпразднства Рождества Христова. Глас 6. На 4.

Ирмос, глас 6: За зако́ны оте́ческия/ блаже́ннии в Вавило́не
ю́ноши предбе́дствующе,/ царю́ющаго оплева́ша повелéние
безу́мное/ и, совоку́плены, имже не свари́шася огне́м,/ Дер-
жа́вствующему досто́йную воспева́ху песнь:/ Го́спода по́й-
те, дела́,// и превозноси́те во вся ве́ки.

Катавасия

5 января, предпразд. Рождества Христова, Мучеников, иже в Крите

Ирмос, глас 2: В печь ѓгненную ко отроком еврейским
снизшедшаго/ и пламень в росу преложшаго Бѳга/ пойте,
дела, яко Господа// и превозносите во вся веки.

Песнь 9

Канѳн предпразднства Рождества Христова. Глас 6. На 4.

Ирмос, глас 6: Не дивися ныне, о Мати,/ видящи яко Младенца,
Егоже из чрева прежде денницы роди Отец,/ возставити бо и
сопрославити/ человеческое падшее естество приидѳх явственно,
// верою и любовью Тя величающее.

Катавасия

Ирмос, глас 2: От Бѳга Бѳга Слова,/ неизреченною мудростию
пришедшаго обновити Адама,/ ядию в тление падшаго люте,
/ от Святыя Девы неизреченно воплотившагося нас ради,
// вернии, единомудренно песнями величаем.

Хвалитны

Предпразднство Рождества Христова на 4, глас 6

На 4: Хвалите Его на силах Его, /

хвалите Его по множеству величества Его.

Предопределенное Отцем прежде век/ и
предпроповеданное пророки в последняя,/ таинство явися,
и Бог вочеловечися,/ плоть прием от Девы,/ зиждется
несозданный волею,/ Сый бывает Царь Израилев, // Христос
приходит.

Хвалите Его во гласе трубнем, /

хвалите Его во псалтири и гуслах.

5 января, предпразд. Рождества Христова, Мучеников, иже в Крите

Пою Тя, Царю, пеленáми повѣтаго,/ решиши бо пленѣцы
моѣх грехопадѣний/ и славою безсмѣртною/ и нетлѣнною
почтѣв мя,/ всего Отцѣ присвоил еси,/ содѣтельствуя и
воззидáя./ Тем вопию Ти:/ Царь Израѣилев,// Христос
приходит.

На 2: Хвалите Его в тимпане и лице, /
хвалите Его во струнах и органе.

Свет, от Свѣта произшедший/ и от Дѣвы возсиявший/ сущим
на землѣ звездóю, вѣдѣвше, звездослóвцы волсвѣ/
персѣдскую отлагаху тьму/ и звездную всю прѣлесть/ и в
радости рóждшемуся Бóгу пояху:/ благословѣн пришѣдый
Бог наш,// слава Тебѣ.

Хвалите Его в кимвáлах доброгласных, хвалите Его в кимвáлах восклицáния. /

Всякое дыхáние да хвалит Гóспода.

Злак младѣнческий неѣстовне пожинает,/ от мѣдрых
наруган быв Ёрод волхвóв,/ и рѣку скверноубѣйственну на
Тя воздвизáти мнѣше,/ но пришѣл еси,/ егѣптяном тьму
глубочáйшую отгоня,/ с нѣмиже поем:// благословѣн
пришѣдый Бог наш,/ слава Тебѣ.

Слава, глас 6.

Слава Отцѣ, и Сѣну, и Святóму Дѣху,

Пой, нóвый Израѣлю, песнь нóву;/ воспой пѣние Небѣсное
óно;/ веселѣся и красѣйся радóстью/ и ликѣй, принеси
свѣтло прáзднственная:/ Бог от юга плóтию явѣся./ Тóйже
хóщет/ во Иордáнских струях омѣтися,// яко Человѣк.

5 января, предпразд. Рождества Христова, Мучеников, иже в Крите

И ныне, глас 6.

и ны́не, и прѣсно, и во ве́ки веко́в. Ами́нь.

Яви́лся еси́ на землі/ и с челове́ки пожи́л еси́,/ ке́саря повеле́ньми с рабы́ написа́лся еси́;/ созда́лся еси́, не преложи́вся, неизме́нен пребы́л еси́,/ весь Сый Бог, а́ще и воплоті́лся еси́./ Сла́ва Твоему́ смотре́нию,/ честь, хвала́, великолéпие// и ны́не, и во ве́ки, ами́нь. Ами́нь.

Стихиры на стиховне

Предпразднство Рождества Христова на 3

Канонарх: Глас 2, Благоуха́й, Сио́не,

Благоуха́й, Сио́не,/ я́сли святы́я:/ в тебе́ бо Влады́ка про-
стрéти има́ть// лучи́ Своего́ Божества́.

Стих: Бог от ю́га приидет /

и Святы́й из горы́ приосенённыя ча́щи.

Ве́ру вмéсто злата́,/ любóвь же, я́ко сми́рну,/ я́ко лива́н, де-
я́ния// принесём Зижді́телю, грядúщему во Своя́.

Стих: Го́споди, услы́шах слух Твой и убоя́хся; /

Го́споди, разумéх дела́ Твоя́ и ужасóхся.

Приближа́ется Христóс, звезда́ предозаряет/ Небéсное
мно́жество,// во́инства приница́ет умных сил.

Слава, глас 3.

Сла́ва Отцу́, и Сы́ну, и Свято́му Ду́ху

До́блии мученицы́ истины,/ вас ни ну́жда мучительская, ни
ласка́ние прелéстное,/ ни удéс отсечéния, ниже́ сме́ртная
прещéния/ от Божéственныя любвé разлучі́ти возмого́ша./

5 января, предпразд. Рождества Христова, Мучеников, иже в Крите

Тем, дерзнове́ние иму́ще ко Христу́, иже над все́ми Бо́гу,/ сие́ воздая́ние болѣзненных страда́ний проси́те от Христа́// прияти моли́твами ва́шими и ве́лию ми́лость.

И ныне, глас 8.

И ны́не, и прѣсно, и во ве́ки веко́в. Ами́нь.

В Вифле́еме ражда́ется всех Творе́ц,/ и Еде́м отверза́ет Пре-
вѣчный Царь,/ пла́менное ору́жие плещи́ даёт,/ средостѣние
градѣжа разори́ся;/ Небе́сныя си́лы с земны́ми совокуп-
ляются,/ А́нгели с челове́ки держа́вное торже́ство состав-
ляют,/ чи́стии Чѣстому пе́ние приноша́ют./ Ви́дим Де́ву, яко
престо́л сла́вы Херувѣ́мский,/ вместѣвшую ника́коже вме-
сти́мага Бо́га/ и нося́щую, Его́же Серафи́ми со стра́хом про-
славля́ют,// яко да пода́ст ми́ру ве́лию ми́лость.

Тропари в конец Утрени

Тропарь мучеников, иже в Крите, глас 4.

Му́ченицы Твои́, Го́споди,/ во страда́ниях свои́х венцы́ при-
яша нетле́нныя от Тебе́, Бо́га на́шего,/ и́муще бо крѣ́пость
Твою́, мучи́телей низложи́ша,/ сокруши́ша и де́монов не-
мощны́я дерзости./ Тех моли́твами/ спаси́ ду́ши на́ша.

Сла́ва Отцу́, и Сы́ну, и Свято́му Ду́ху, и ны́не, и прѣсно, и во
ве́ки веко́в. Ами́нь.

Гото́вися, Вифле́еме,/ отве́рзися всем, Еде́ме,/ красуйся, Ев-
фра́фо,/ яко дре́во живота́ в верте́пе процветѣ́ от Де́вы:/ рай
бо О́ноя чре́во яви́ся мы́сленный,/ в нёмже Божѣ́ственный

5 января, предпразд. Рождества Христова, Мучеников, иже в Крите

**сад,/ от негóже я́дше, жи́ви бу́дем,/ не, я́коже Ада́м, у́мрем./
Христóс ражда́ется прэ́жде па́дший возста́вити о́браз.**

1-й час

Тропа́рь предпра́зднства Рождества́ Христо́ва, глас 4

**Гото́вися, Вифле́еме,/ отве́рзися всем, Еде́ме,/ красу́йся, Евфра́фо,/ я́ко
дре́во живота́ в верте́пе процветé от Дэ́вы:/ рай бо О́ноя чре́во яви́ся мы-
сленный,/ в нёмже Божéственный сад,/ от негóже я́дше, жи́ви бу́дем,/ не,
я́коже Ада́м, у́мрем./ Христóс ражда́ется прэ́жде па́дший возста́вити
о́браз.**

Сла́ва Отцу́, и Сы́ну, и Свято́му Ду́ху.

Тропа́рь мучеников, иже в Крите, глас 4

**Му́ченицы Твои́, Го́споди,/ во страда́ниих свои́х венцы́ прия́ша нетле́нныя
от Тебе́, Бо́га на́шего,/ и́муще бо крéпость Твою́, мучи́телей низложи́ша,
сокруши́ша и де́монов немощны́я дэ́рзости./ Тех моли́твами/ спаси́ ду́ши
на́ша.**

Кондак

Конда́к предпра́зднства Рождества́ Христо́ва, глас 3

**Дэ́ва днесь Превéчное Сло́во/ в верте́пе грядéт роди́ти неизрече́нно:/ ли-
ку́й, вселéнная, услы́шавши,/ просла́ви со А́нгелы и па́стырьми/ хотя́щаго
яви́тися Отроча́ Мла́до, Превéчнаго Бо́га.**